

Na osnovu članova 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04), člana 12. i 14. Odluke o izvršavanju Budžeta Općine Centar Sarajevo za 2026. godinu (Službene novine Kantona Sarajevo, broj 52/25), člana 8. Pravilnika o uslovima i kriterijima za izbor korisnika sredstava Budžeta Općine Centar Sarajevo iz oblasti kulture, broj 01-36-13/26 od 28.04.2026. godine i Odluke o pokretanju postupka raspisivanja i provođenje Javnog poziva broj 13-11-3377/26 od 07.05.2026. godine, Općinski načelnik upućuje



JAVNI POZIV
za izbor korisnika i dodjele sredstava iz Budžeta Općine Centar Sarajevo iz oblasti kulture za 2026. godinu

I PREDMET JAVNOG POZIVA I IZNOS SREDSTAVA

Predmet javnog poziva je dodjela budžetskih sredstava za finansiranje i sufinansiranje programa i projekata iz oblasti kulture s ciljem unapređenja kulturnih sadržaja na području općine Centar Sarajevo.

Javni poziv se provodi u skladu sa Pravilnikom o uslovima i kriterijima za izbor korisnika sredstava budžeta Općine Centar Sarajevo iz oblasti kulture, a podijeljen je u tri budžetska programa kako slijedi:

- **Program 1** Transfer za kulturu, institucije kulture za programske aktivnosti u iznosu od 120.000,00 KM (ekonomski kod 614121-17)
- **Program 2** Tekući transferi neprofitnim organizacijama kulturno-umjetnička društva u iznosu od 45.000,00 KM (ekonomski kod 614311-16)
- **Program 3** Tekući transferi neprofitnim organizacijama za festivalske aktivnosti po Smjernicama u iznosu od 120.000,00 KM (ekonomski kod 614311-7A)

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II PRAVO NA DODJELU SREDSTAVA I IZNOS:

Pravo na dodjelu sredstva mogu ostvariti:

Program 1:

- institucije osnovane za obavljanje djelatnosti iz oblasti kulture i umjetnosti od strane Općine Centar Sarajevo, Kantona Sarajevo, Federacije Bosne i Hercegovine i države Bosne i Hercegovine.

Program 2:

- kulturno – umjetnička društva koja imaju sjedište na području općine Centar Sarajevo

Program 3:

- udruženja građana koja organizuju festivalske aktivnosti

Za svaki od tri navedena programa, aplikanti koji ispunjavaju opće i posebne kriterije utvrđene Pravilnikom o uslovima i kriterijima za izbor korisnika sredstava budžeta Općine Centar Sarajevo iz oblasti kulture, mogu ostvariti minimalno 5%, a maksimalno 50% od ukupnih sredstava obezbijeđenih u Budžetu Općine Centar Sarajevo za 2026. godinu za ovu namjenu.

Općina zadržava pravo korekcije predloženih budžeta ili djelimičnog finansiranja predloženih aktivnosti (sufinansiranja). Ukoliko je iznos traženih sredstava manji od minimalno definisanog iznosa, Općina će finansirati stvarni iznos programa.

Sredstva se dodjeljuju za finansiranje ili sufinansiranje javnih potreba u oblastima kulture i umjetnosti:

- Pozorišna produkcija i manifestacije;
- Zaštita filmske kulturne baštine – filmske građe i manifestacije iz oblasti filmske produkcije;
- Izložbe i manifestacije iz likovne i primijenjene umjetnosti, te vizuelne i multimedijalne vizualne umjetnosti;
- Muzičke i muzičko-scenske umjetnosti;
- Izvorno kulturno-umjetničko stvaralaštvo;
- Arhivska djelatnosti;
- Bibliotečka djelatnost;
- Muzejsko-galerijska djelatnost;
- Književno-umjetničko stvaralaštvo u oblasti izdavačko-štamparske djelatnosti i književne manifestacije;
- Kulturno stvaralaštvo nacionalnih manjina;
- Kulturno stvaralaštvo invalidnih lica i lica sa posebnim potrebama;
- Edukativni programi iz oblasti kulture;
- Kulturno umjetničke manifestacije i festivali.

Aplikanti mogu predložiti više različitih programa, ali će Općina finansirati ili sufinansirati maksimalno dva (2) programa jednog korisnika sredstava.

Od ukupno dodijeljenih sredstava, aplikanti mogu iznos od 25% raspodijeliti i utrošiti na plaće uposlenika, honorare i režijske troškove.

Općina zadržava pravo da poništi ili obustavi jednu ili više programskih oblasti, ukoliko se u postupku evaluacije zahtjeva utvrde nepravilnosti ili druge okolnosti koje utiču na zakonitost i pravilnost provođenja postupka, bez obaveze poništenja ostalih programskih oblasti.

III CILJEVI PO PROGRAMSKIM OBLASTIMA

Cilj ovog Javnog poziva je osigurati adekvatnu i sistemsku podršku institucijama kulture, kulturno-umjetničkim društvima i udruženjima građana koja organizuju festivalske aktivnosti.

Svaki aplikant, bez obzira na koji program aplicira mora uskladiti projekat sa nekim od sljedećih ciljeva:

- Podsticanje stvaralaštva u oblasti kulture;
- Uključivanje što većeg broja djece i mladih u programe iz oblasti kulturno-umjetničkog stvaralaštva;
- Unapređenje kulturnih sadržaja na području općine Centar;
- Afirmacija kulturno-historijskog naslijeđa;
- Podsticaj uspostavljanju i jačanju međuregionalne i međunarodne saradnje u oblasti kulture;
- Promoviranje estetskih vrijednosti u svim oblastima umjetničkog stvaralaštva;
- Podrška kontinuitetu afirmiranih vrijednosti umjetničkog stvaralaštva;
- Podsticanje inovativnih pristupa umjetničkom stvaralaštvu;
- Podrška tradicionalnim festivalima i manifestacijama iz oblasti kulture i umjetnosti;
- Ravnomjerna zastupljenost svih oblasti kulturnog i umjetničkog stvaralaštva;
- Stimulisanje, razvoj i unapređenje kulturnog i umjetničkog stvaralaštva na području Općine;

IV NAMJENA

Programi i projekti u okviru svake programske oblasti moraju biti usklađeni sa najmanje jednom od namjena sredstava utvrđenih ovim Javnim pozivom:

- Tradicionalne kulturno-umjetničke manifestacije;
- Edukativni programi iz oblasti kulture i umjetnosti;
- Kulturno-umjetnički amaterizam;
- Programi institucija koji se odvijaju u kontinuitetu;
- Festivali i manifestacije kojima se promovise kulturno-umjetnička vrijednost;
- Programi koji su vezani za različite oblike rekonstrukcije autohtone materijalne i nematerijalne zavičajne baštine (nošnja, koreografija itd.).
- Programi proizvodnje dokumentarnih, kratkih i dugometražnih niskobudžetnih igranih filmova;
- Programi zaštite kulturnog stvaralaštva;
- Programi međunarodne i međuregionalne kulturne saradnje;
- Programi u oblasti dramske umjetnosti, muzičke i muzičko scenske umjetnosti, likovne umjetnosti, arhivske djelatnosti, zaštite i muzejsko-galerijske djelatnosti;
- Koncerti, izložbe, naučni skupovi, promocije i sl.;
- Programi za promociju i afirmaciju likovne umjetnosti;
- Programi kojima se sprečava propadanje ili oštećenje vrijedne arhivske građe i revitalizacija građe;
- Zaštita i očuvanje nepokretnih, pokretnih i nematerijalnih kulturnih dobara;
- Programi iz muzejsko-galerijske djelatnosti;
- Podrška programima kojima se afirmišu mladi talenti u oblasti kulture i umjetnosti.

V KRITERIJI ZA IZBOR KANDIDATA I IZNOS SREDSTVA:

Pored već utvrđene namjene sredstava, prilikom procjene predloženih programa vrednovat će se:

- društveni i kulturološki značaj predloženog programa izražen kroz jasne i realne ciljeve;
- procjena usklađenosti programa sa ciljevima utvrđenim u tekstu Javnog poziva te način na koji će projekat osigurati ostvarivanje definisanih ciljeva;
- dosadašnje iskustvo i rezultati u organiziranju kulturnih i umjetničkih manifestacija, produkciji u kreativnoj industriji, te rad u oblasti zaštite pokretnog i nepokretnog kulturnog naslijeđa, materijalne i nematerijalne kulturne baštine (broj osposobljenih stručnih osoba s potrebnim kvalifikacijama);
- područje djelovanja, odnosno područje jedne ili više lokalnih zajednica, međuentitetska i regionalna kao i šira međunarodna kulturna saradnja;
- broj korisnika predloženog programa;
- opravdanost i visina predviđenih materijalnih troškova, te učešće pojedinih vrsta izdataka u ukupnom budžetu programa.

Tabela bodovanja:

1.	Da li su ciljevi programa jasno definisani i realno dostižni	0-5 bodova
2.	Da li su aktivnosti programa jasne, opravdane, razumljive i provedive	0-5 bodova
3.	Da li je program u većoj mjeri usmjeren na zadovoljavanje javnih potreba iz oblasti kulture i umjetnosti	0-5 bodova
4.	Ima li aplikant dovoljno kapaciteta za provedbu prijavljenog programa Do 1-5 zaposlenih Od 5-15 zaposlenih Preko 15 zaposlenih	5 boda 10 bodova 25 bodova
5.	Tradicija programa Od 0-10 godina Od 10-25 godina Preko 25 godina	5 boda 10 bodova 25 bodova

6.	Da li je područje djelovanja programa u skladu sa prioritetima Javnog poziva	0-5 bodova
7.	Da li program ima regionalni/međunarodni karakter	15 bodova
8.	Na koji način će program doprinijeti promociji lokalne zajednice	0-5 bodova
9.	Broj predviđenih korisnika programa	0-5 bodova
10.	Da li su troškovi programa usklađeni sa planiranim aktivnostima	0-5 bodova

Svaki član Komisije pojedinačno boduje svaki od navedenih kriterija. Maksimalan broj bodova koji jedan član Komisije može dodijeliti iznosi 100 bodova.

Iznos sredstava utvrđuje se prema broju ostvarenih bodova, na način da programi sa većim brojem bodova mogu ostvariti veći iznos sredstava.

Komisija zadržava pravo da, u skladu s raspoloživim budžetskim sredstvima, odredi iznos sredstava, uz obavezu poštivanja utvrđenog bodovnog poretka

Općina Centar neće razmatrati zahtjeve koji:

- nisu dostavljeni u roku naznačenom u Javnom pozivu;
- nemaju formalne uslove za kandidovanje programa (nepotpuna ili netačna dokumentacija);
- su predloženi od institucije i udruženja građana koje nije dostavilo izvještaj o namjenskom utrošku sredstava dodijeljenih iz Budžeta Općine;
- realizaciju svih aktivnosti planiraju izvan teritorije općine i koje ni u jednom dijelu ne obuhvataju stanovništvo sa područja općine;
- podržavaju rad političkih stranaka;
- nemaju ključne informacije o programu (vrijeme realizacije, budžet, ciljevi i/ili aktivnosti koje će se provoditi);
- nisu usklađeni sa ciljevima i namjenom, a koji su definisani ovim Pravilnikom;
- su bazirani na kupovini opreme i/ili rekonstrukciji i sanaciji objekata.

VI PRIJAVA NA JAVNI POZIV I POTREBNA DOKUMENTACIJA

Prijava na Javni poziv podnosi se na propisanom prijavnom obrascu uz prijedlog projekta koji je objavljen u prilogu ovog Javnog poziva na zvaničnoj web stranici Općine Centar Sarajevo.

Podnosioci zahtjeva na Javni poziv obavezni su dostaviti slijedeće dokumente (original ili ovjerene kopije):

1. Uredno popunjen prijavni obrazac i prijedlog projekta koji obuhvata:
 - a) Cilj programa i ciljne grupe obuhvaćene programom;
 - b) Vrijeme planirane realizacije programa;
 - c) Planirani učinak u odnosu na strateške ciljeve definisane u Javnom pozivu;
 - d) Budžet planiranog programa;
2. Uvjerenje o poreskoj registraciji – ID broj;
3. Aktuelni izvod o upisu iz odgovarajućeg registra;
4. Obavještenje o razvrstavanju pravnog lica prema djelatnosti;
5. Potvrda poslovne banke da račun nije blokiran iz koje se vidi broj transakcijskog računa;
6. Uvjerenje porezne uprave o izmirenim poreskim obavezama ili Sporazum o odgođenom plaćanju ili plaćanju u ratama dužnih javnih prihoda i Lista osiguranih lica za obveznika;
7. Izjava ovlaštenog lica, ovjerena kod nadležnog organa, da program ima regionalni/međunarodni karakter;
8. Izjava ovlaštenog lica, ovjerena kod nadležnog organa, da se projekat (u cjelosti ili djelomično) ne finansira po nekom drugom osnovu;
9. Izjava o primljenim de minimis potporama.

Dokumentacija, ne starija od 3 mjeseca od dana podnošenja prijave na Javni poziv, se podnosi u originalu ili ovjerenoj kopiji.

VII NAČIN DODJELE NOVČANIH SREDSTAVA

Pristigle zahtjeve će razmatrati Komisija za provođenje postupka odabira korisnika za finansiranje/sufinansiranje programa iz kulture (U daljem tekstu: Komisija za provođenje postupka), a koju imenuje općinski načelnik. Općinski načelnik na osnovu prijedloga odluke Komisije o odabiru korisnika objavljuje preliminarnu listu odabranih korisnika.

Podnosioci zahtjeva mogu u roku od osam dana od dana objavljivanja preliminarne liste podnijeti pismeni prigovor Komisiji za razmatranje prigovora koju imenuje općinski načelnik iz reda državnih službenika. Odluku o prigovoru, Komisija će donijeti u istom roku, računajući od dana njegovog podnošenja.

Pravo na dodjelu budžetskih sredstva za finansiranje i sufinansiranje programa i projekata iz oblasti kulture ne mogu ostvariti institucije kulture i udruženja građana za projekat/dio projekta koji se finansira po nekom drugom osnovu.

Nakon okončanog postupka prigovora Općinski načelnik donosi konačnu odluku, na osnovu koje se izrađuju Ugovori o raspodjeli sredstva. Na osnovu Ugovora nadležna služba za finansije vrši isplatu sredstava.

Ukoliko se budžetska sredstva predviđena za ovu namjenu ne utroše u cjelosti, Općina zadržava pravo objave ponovnog Javnog poziva pod istim uslovima, a u skladu sa ovim Pravilnikom.

Korisnik sredstava se obavezuje da unutar svake aktivnosti promoviše i ističe podršku lokalne zajednice.

Prihvataju se troškovi koji su nastali u periodu od 01.01. do 31.12. u godini u kojoj je Javni poziv objavljen, ukoliko su u vezi sa odobrenim programom.

VIII NAČIN PODNOŠENJA ZAHTJEVA I TRAJANJE JAVNOG POZIVA

Javni poziv se objavljuje na web stranici Općine i ostaje otvoren 30 dana od dana objavljivanja.

Zahtjev sa dokumentacijom se podnosi Službi za obrazovanje, društvene djelatnosti, kulturu i sport – Odsjek za kulturu i sport putem protokola Općine ili putem pošte sa naznakom „Javni poziv za izbor korisnika i dodjele sredstava iz Budžeta Općine Centar Sarajevo iz oblasti kulture za 2026. godinu“. Sve dodatne informacije o načinu i postupku prijave na Javni poziv mogu se dobiti putem telefona 033/562-395 i 033/562-360 ili maila: kultura@centar.ba.



Broj: _____/26
Sarajevo, _____.2026. godine